

III бўлим.

Ўзбекистон Республикасининг консолидациялашган
бюджети. Ўзбекистон Республикасининг тикланиш ва
тараққиёт жамғармаси

7-боб. Ўзбекистон Республикасининг
консолидациялашган бюджети

**45-модда. Ўзбекистон Республикасининг
консолидациялашган бюджетини тузиш мақсадлари**

Ўзбекистон Республикасининг
консолидациялашган бюджети Ўзбекистон
Республикаси Молия вазирлиги томонидан молия йили
яқунлари бўйича таҳлилий мақсадлар учун ҳамда
бюджет тизими бюджетларининг (бюджет
ташкилотларининг бюджетдан ташқари жамғармалари
бундан мустасно) барча тушумлари ва харажатларини
ҳамда Ўзбекистон Республикаси Тикланиш ва
тараққиёт жамғармаси маблағларини, улар ўртасидаги
трансфертларни ҳисобга олмаган ҳолда ҳисобга олиб
бориш учун тузилади.

Қаранг: Мазкур Кодекснинг [46-моддаси](#).

**46-модда. Ўзбекистон Республикасининг
консолидациялашган бюджети таркиби**

Ўзбекистон Республикасининг
консолидациялашган бюджети таркибига қуйидагилар
киради:

Давлат бюджети;
давлат мақсадли жамғармаларининг бюджетлари;
Ўзбекистон Республикаси Тикланиш ва тараққиёт
жамғармаси маблағлари.

Ўзбекистон Республикасининг
консолидациялашган бюджети таркибига
киритиладиган давлат мақсадли жамғармаларининг
рўйхати Ўзбекистон Республикаси Вазирлар Маҳкамаси
қарори билан тасдиқланади.

*(46-модда Ўзбекистон Республикасининг 2018 йил
24 декабрдаги ЎРҚ-508-сонли Қонунига асосан иккинчи
қисм билан тўлдирилган — Қонун ҳужжатлари
маълумотлари миллий базаси, 25.12.2018 й.,
03/18/508/2365-сон — 2019 йил 1 январдан кучга
киради)*

*Қаранг: Мазкур Кодекснинг 34 — 36, 45, 47 — 49-
моддалари.*